

Zeitschrift: Igl Ischi : organ della Romania (Societat de Students Romontschs)

Herausgeber: Romania (Societat de Students Romontschs)

Band: 16 (1918)

Vorwort: Introducziun

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 30.07.2025

ETH-Bibliothek Zürich, E-Periodica, <https://www.e-periodica.ch>



Introducziun.

Pli ditg che quei che las statutas de noss' union verteschan, ch' ils stimai lecturs ein inclinai de perstgisar, e certamein era, che la redacziun prevedeva, ha igl Ischi schau spetgar. Circumstanzias independentas da nies vuler e puder, allas qualas ins ei senz' auter extradius en in tal pign territori linguistic, sco quei ch'il Romontsch representa (mira gia Ischi IV, Introducziun), ein l' empudientscha dil retard.

Igl ei stau 'gl emprem ils disturbis e sgurdins en la veta ordinaria dils emprems temps d'uiara, che han era giu lur influenza sin redacziun, collaboraturs e stampa. E silsuenter, essend il volum finalmein quasi paregiaus per il squetsch, havein nus giu de deplorar la schi nunspetgada e prematura mort de Dr. C. Decurtins. Tont ses merets per il pievel romontsch, per siu lungatg, ses interess ideals e materials, als quals quell' activa veta ei stada dedicada, sco era sia cooperaziun predominonta enten il scaffir la Romania ed igl Ischi, che han omisdus retschiert dad el lur tempora nundevasteivla, garegiavan, che l'emprema an-

nada suenter sia mort surveschi a sia memoria. La redacziun haveva confidau sia biografia certamein ad ina dellas pli qualificadas forzas, che se-schavan anflar.

Signur prof. Lombriser ei ladinamein semess vid siu tema cun tutta mur, conscienu-sadat e premura, el ei buca senuspius de breigias e sten-tas per recaltgar era material nunenconuschent, el ha encuretg cun la scrupulusadat e minuziusadat historica atgna alla scola dil nunemblideivel ma-gister Reinhardt, de stabilir ed appreziar exactamein e gestamein factums e circumstan-zias. Nus essan segirs, che sia lavur, della quala nus havein saviu leger las empremas emprovas dadas gia en squetsch, vegni ad appartener tier il meglier, che ei vegniu scret sur C. Decurtins, ed en special di-lucidar aschi bein, sco igl ei aunc negliu daven-tau, siu operar per la Cadi, la Claustra, la Sur-selva, il Grischun. Tont pli vess spetga perquei il pievel romontsch, che quella lavur compari, e mo nuidis, sco igl ei stau il cass per il comite della Romania e la redacziun, retscheiva el la nu-viala, che motivs de sanadat e la lavur urgenta de clamada han constrenschiu 'gl autur de refierer la publicaziun, prevedida per uonn, sin in' annada futura, speronza buca pli ditg, che sin la proxima.

Nuotatonmeins ha la redacziun buca cartiu d' astgar untgir da siu plan primitiv, de festivar la memoria d'in dils pli gronds e meriteivels Ro-

montschs en la presenta annada digl Ischi, tschentond a sia testa il maletg de quel, la comparsa ed il plaid dil qual han caracterisau ed entusiasmau las empremas redunonzas della Romania. Senza porscher in studi complet e perfetg, il qual füss el moment present aunc caussa nunpusseivla, e senza portar zatgei niev ne nunenconuschent, vulein nus serestrenscher de clamar en regurdient-scha en enzacontas paginas il veramein grondius, che Decurtins ha aspirau, interpriu, exequiu e plinavon planisau el survetsch de nossa faviala materna. Questas paginas ein perdetga avunda, co Decurtins ha carezau sia mumma romontscha, ellas dueian esser in entruidament inflammont, in muossavia per igl operar della Romania egl avegnir. Che siu confundatur ed emprem redactur ruaussi en pasch!

